

Na osnovu člana 1. stav 3. i 4. Okvirnog Zakona o osnovnom i srednjem obrazovanju u Bosni i Hercegovini ("Službeni glasnik Bosne i Hercegovine", broj: 18/03) i člana 95. Zakona o osnovnom odgoju i obrazovanju ("Službene novine Hercegovačko-neretvanskog kantona", broj: 5/00, 4/04, 5/04, 1/14 i 7/16), nakon dobivene saglasnosti od strane Grada Mostara kao osnivača broj: \_\_\_\_\_ i Ministarstva obrazovanja, nauke, kulture i sporta Hercegovačko-neretvanskog kantona broj: \_\_\_\_\_, Školski odbor JU Osnovne škole Blagaj, Mostar, na sjednici održanoj dana 19.04.2021. godine, donosi

**Prijedlog**

**ODLUKU  
O IZMJENAMA I DOPUNAMA PRAVILA  
JU OSNOVNE ŠKOLE BLAGAJ MOSTAR**

**Član 1.**

Član 7. Pravila JU Osnovne škole Blagaj Mostar se mijenja i isti sada glasi:  
"Puni naziv Škole je Javna ustanova "Osnovna škola Blagaj" Mostar .  
Skrraćeni naziv Škole je J.U. "Osnovna škola Blagaj" Mostar.  
Sjedište Škole je u Mostaru, Blagaj, Branilaca Bosne bb.  
Upisno područje Škole je Mjesna zajednica Blagaj sa naseljenim mjestima Blagaj, Kamena ,Kosor,Malo Polje , Pograđe, D.Vranjevići ,G.Vranjevići ,Svačići , Žulja i Rabina.  
O promjeni naziva i sjedišta Škole i drugim statusnim promjenama odlučuje Školski odbor uz saglasnost Osnivača i Ministarstva, na način i u postupku utvrđenom Zakonom."

**Član 2.**

Član 8. Pravila JU Osnovne škole Blagaj Mostar se mijenja i isti sada glasi:  
"Škola ima pečat.

U obavljanju djelatnosti Škola upotrebljava sljedeće pečate:

1. Okrugli pečat prečnika 50 mm sa ispisanim tekstom:

Bosna i Hercegovina  
Federacija Bosne i Hercegovine  
Hercegovačko-neretvanski kanton  
Grad Mostar  
Javna ustanova Osnovna škola Blagaj  
Mostar

Tekst je ispisan u koncentričnim krugovima , službenim jezikom i pismom , u skladu sa Ustavom i zakonom , a u sredini je grb Grada Mostara.

2. Okrugli pečat , prečnika 25 mm sa identičnim tekstom , navedenim u tački 1.ovog člana , s tim da može sadržavati i skraćeni tekst.

Škola ima prijemni štambilj za zavođenje akata.

Bliže odredbe o izgledu ,sadržini , načinu upotrebe i čuvanju pečata i štambilja utvrđuje Školski Školski odbor posebnim pravilnikom."

**Član 3.**

Član 9. Pravila stav 1. se mijenja i isti sada glasi:

"Dan škole je 15. maj i obilježava se javnim, kulturnim, sportskim i drugim aktivnostima kojima se ističu rezultati odgojno-obrazovnog rada."

#### **Član 4.**

Član 11. Pravila stav 1. se mijenja i isti sada glasi:

"Djelatnost škole, u skladu sa Odlukom o klasifikaciji djelatnosti Bosne i Hercegovine 2010 je :

- 85.20. - osnovno obrazovanje."

#### **Član 5.**

Član 21. Pravila se mijenja i isti sada glasi:

"Nastava se organizuje po razredima, a neposredno izvodi u odjeljenjima i odgojno-obrazovnim grupama.

Za učenike od prvog (I) do petog (V) razreda, nastava se organizuje kao razredna, a za učenike od šestog (VI) do devetog (IX) razreda, nastava se organizuje kao predmetna.

Za učenike razredne nastave predmetna nastava može se organizovati iz stranih jezika, a za učenike petog (V) razreda iz odgojnih područja (likovna, muzička, tjelesna kultura)."

#### **Član 6.**

Član 31. se mijenja i sada glasi:

"Sedmično i dnevno opterećenje učenika, odnosno, ukupan broj nastavnih časova, utvrđuje se u skladu sa Zakonom.

Nastavni čas u pravilu traje 45 minuta.

U iznimnim slučajevima, trajanje časa se može skratiti u svim osnovnim školama na području kantona, u skladu sa situacijom koja zahtjeva skraćivanje časa, o čemu Odluku donosi direktor."

#### **Član 7.**

Član 47. stav 6. Pravila se mijenja i isti sada glasi:

"Opći uspjeh učenika od šestog (VI) do devetog (IX) razreda utvrđuje, na prijedlog predmetnih nastavnika, odjeljeno vijeće."

#### **Član 8.**

Član 52. stav 4. se mijenja i isti sada glasi:

"Učenik devetog razreda (IX) koji na kraju nastavne godine ima ocjenu nedovoljan (1) iz jednog predmeta, može polagati popravni ispit nakon isteka petnaest (15) dana od kad mu je saopćen opći uspjeh, bez prava ponovnog polaganja u augustu."

#### **Član 9.**

Član 55. stav 3. i stav 4. se mijenjaju i isti sada glase:

"Učenicima prvog (I), drugog (II), trećeg (III), četvrtog (IV) i petog (V) razreda u učeničkoj knjižici evidentira se uspjeh na kraju nastavne, odnosno školske godine i služi kao dokaz o završenom razredu.

Učenicima šestog (VI), sedmog (VII), osmog (VIII) i devetog (IX) razreda na kraju nastavne, odnosno školske godine izdaje se svjedodžba o završenom razredu."

#### **Član 10.**

Član 65. se mijenja i isti sada glasi:



"Na izrečenu pedagošku mjeru učenik, odnosno njegov roditelj ili staratelj imaju pravo žalbe drugostepenom organu.

Odluka drugostepenog organa škole je konačna, osim u slučaju kada se radi o izrečenoj mjeri premještanja učenika u drugu školu, gdje roditelj odnosno staratelj učenika može uložiti prigovor Ministarstvu u roku od 3(tri) dana od dana prijema pismene odluke drugostepenog organa.

Ulaganje prigovora odlaže izvršenje izrečene mjere."

#### **Član 11.**

Iza člana 66. dodaje se novi član 66a. koji glasi:

"U cilju očuvanja zdravlja učenika i školskog osoblja škola je dužna postupati u skladu sa higijensko-epidemiološkim naredbama, preporukama i mjerama nadležnih institucija."

#### **Član 12.**

Član 77. mijenja se i sada glasi:

"Član Školskog odbora ne može biti:

- a) Direktor, zamjenik i pomoćnik direktora i predstavnik sindikata u školama kantona,
- b) Osoba koja je kažnjavana."

#### **Član 13.**

Član 91. se mijenja i isti sada glasi:

"Odluka o izboru kandidata donosi se većinom glasova od ukupnog broja članova Školskog odbora.

Školski odbor je obavezan u skladu sa Odlukom Gradskog vijeća Grada Mostara o kriterijima i postupku za imenovanje upravnih odbora/upravnih vijeća javnih ustanova čiji osnivač je Grad Mostar te njihovim pravima, obavezama i odgovornosti ("Službeni glasnik Grada Mostara", broj:5/05) prije odlučivanja u Školskom odboru pribaviti odnosno zatražiti pismeni stav gradonačelnika o imenovanju direktora i pomoćnika direktora škole.

Škola je obavezna u roku od 30 (trideset) dana od dana zaključivanja konkursa za izbor direktora dostaviti Ministarstvu prijedlog kandidata za direktora radi davanja saglasnosti.

Po pribavljanju saglasnosti Ministarstva, Školski odbor donosi odluku o imenovanju direktora škole.

Ukoliko škola propusti rok iz stava 3. ovoga člana ili predloženi kandidat iz određenih razloga ne dobije potrebnu saglasnost, Ministarstvo će tada, uz mišljenje osnivača, imenovati vršioca dužnosti direktora škole na mandat od 6 (šest) mjeseci.

#### **Član 14.**

Iza člana 91. dodaje se novi član 91.a koji glasi:

"Direktor škole imenuje se na razdoblje od 4 (četiri) godine i po isteku prvog mandata ista osoba može u istoj školi biti ponovno imenovana na samo još jedan mandat. Po isteku mandata direktora, škola je dužna osobi osigurati radno mjesto u skladu sa stručnom spremom i radnom sposobnosti.

U roku od 8 (osam) dana od dana imenovanja direktora škole, pismenim putem će se o odluci o imenovanju direktora obavijestiti svi učesnici konkursa"

#### **Član 15.**

Član 95. stav 3. Pravila se mijenja se i sada glasi:

"Pomoćnik direktora škole imenuje se na razdoblje od 4 (četiri) godine i po isteku prvog mandata ista osoba može u istoj školi biti ponovno imenovana na samo još jedan mandat. Po isteku

mandata pomoćnika direktora, škola je dužna osigurati radno mjesto u skladu sa stručnom spremom i radnom sposobnosti."

#### Član 16.

Član 128. mijenja se i isti sada glasi:

"Djelatnost osnovnog obrazovanja finansira se sredstvima iz Budžeta Kantona i Budžeta jedinice lokalne samouprave."

#### Član 17.

U članu 129. iza tačke 4. dodaje se nova tačka 5. koja sada glasi:

" 5. Prevoz zaposlenika."

#### Član 18.

Član 130. mijenja se i sada glasi:

"Jedinica lokalne samouprave/osnivač škole dužan je osigurati sredstva za:

1. Prevoz učenika
2. Prehranu i produženi boravak učenika
3. Materijalne troškove i amortizaciju
4. Tekuće održavanje prostorija, nabavku opreme i nastavnih pomagala."

#### Član 19.

Iza član 130. dodaje se novi član 130a. koji glasi:

"Jedinica lokalne samouprave /osnivač škole dužna je osigurati besplatan prevoz za učenike.

Način i uslovi obavljanja prevoza uredit će se posebnom odlukom jedinice lokalne samouprave/osnivača škole."

#### Član 20.

Iza član 134. dodaje se novi član 134a. koji glasi:


"Protokol o postupanju u slučaju nasilja u školi koji je donijelo Ministarstvo, sastavni je dio Pravila škole."

#### Član 21.

Ova Odluka stupa na snagu osmog dana od dana donošenja, a objavit će se na oglasnoj tabli i web. stranici škole.

Broj: 05-02-02-60-1/21  
Mostar, 19.4.2021.godine

Predsjednik Školskog odbora  
U Osnovne škole Blagaj



Nihad Jasarević